

## AVISU

# Publicatzioni de s' avisu "(Si torna) Tutti a Iscol@ 2021-22" Lìnia Laboratòrius

S' Assessorau de s' Istrutzioni Pùblica at publicau s' avisu **(Si torna) Tutti a Iscol@** Lìnia Laboratòrius - catàlogu Laboratòrius annu iscolàsticu 2021/2022 contras a sa dispersioni scolàstica e po mellorai is cumpetèntzias trasversalis e s' inclusioni scolàstica de is studentis.

Is laboratòrius didàticus funt:

- **Laboratòriu 1 – Àmbitu:** Àrea Educatzioni Tzìvica. **Obietivu:** promovi is progetus contras a su bullismu, s' educatzioni a su respetu, a sa legalidadi, a sa tolleràntzia, contras a sa discriminatzioni e a favori de is baloris costitutzionalis.

- **Laboratòriu 2 – Àmbitu:** Àrea Linguìstica. **Obietivu:** fai cresci is cumpetèntzias linguìsticas furisteras progetendi unu percursu de imparu cun metodologias didàticas noas. Depint essi lìnguas chi no s' imparant in is programas curricularis.

- **Laboratòriu 3 – Àmbitu:** Àrea Arti e Creatividades. **Obietivu:** afortiai is connoscèntzias e is cumpetèntzias promovendi sa creatividades, sa manuxa, su giogu. Si previdint laboratòrius de mùsica, fotografia, cìnima, teatru, dantza, stòria de s' arti, literadura, poesia e artis visivas, pintura, ligidura e scriidura creativa, artesania sarda e nono, s' arti de is maistus de pannu e de linna, enogastronomia e mecànica.

- **Laboratòriu 4 – Àmbitu: Àrea Management. Obietivu:** afortiai sa connoscèntzia de is percursus produtivus e de management fintzas acapias a su territòriu. Is laboratòrius ant a ponni in pràtica situatzionis arrelatadas a fenòmenus econòmicus de sa realidadi, po mèdiu de giogus de ruolu o àteru, punnendi a progetus de *business model*.

**Podint pigai parti a s' avisu:** Entis Pùblicus, Assòtzius, Impresas, a solus o in comunu cun àterus. Is propostas progetualis bolint imbiadas a: <https://sipes.regione.sardegna.it>. Is demandas bolint presentadas de is oras **10.00** de su **10/02/2022** e fintzas a is oras **13.00** de su **17/02/2022**.

Po informatzionis si podit imbiai una mail a s' Ufitziu Urp: [pi.urp@regione.sardegna.it](mailto:pi.urp@regione.sardegna.it) - tel. 070 6065344 de su lunis a sa cenàbura, de is oras 11.00 a is oras 13.00 e su martis e su mèrcuris de is oras 16.00 a is oras 17.00.